



弁語



任字名高海內建鼓登壇
每有詩癖凡閱歷莫不譜
為詩傳海內非一日憶余
曾戲語任字如作令當柰
何肯擬任字必不令而今
且令尋寄語既令欲作詩
當柰何又擬令必不能再
詩乃詩復得於寇在門適
在室任字左提戈右握算

杜門草弁語周

臣力已竭二豎暗侵之際
若吾任宇者真未易才也
余奉

命轉餉舊京值大江南北兵

荒交逼風鶴遍驚上無以

杜門草莽語周

二

舒

宵旰下無以恤維桑五鑿如

焚幾不知筆墨爲何事讀

任宇詩而不覺心胸之頓

滌也聞任宇止吃平昌勺

水一片冰心正與詩意合
又素精陰符黃石古人上
馬殺賊下馬作露布余於
任宇見之任宇緘余云杜
門詩二百餘首係清逋勦
寇後病假中作乞數行玄
晏余非少游却以當代子
瞻望爾也余因寄語任宇
玉人石首無能爲任宇重
余愧非子瞻若任宇真少

游哉但詩何名杜門或曰
誌病試看逋清盜息平昌
士民欣欣喜色相告曰吾
令庶幾無疾病與而何以
病誌耶且也

杜門草芥語周

四

聖天子正破格闢門何言杜

門特弁數語以當枚發

年家姻弟周正儒御清

甫題胥壬午新春



杜門草目錄上卷

五言古

病牘四上蒙 各上臺慰留

浴佛日

告蠶詞

告蠶婦詞

守庚申

擬古吊亡荆時周益于內兄行適篤于內

杜門草目上

一

弟卽至

輓家中丞叔氏定翁

祈雨卽有雨意然而未甚又告 神

署中小築 四首

遣婢吊亡荆 二首

讀張天如太史宋元紀事有感

惡雨

妾薄命



初冬游萬山對衲題之

漫興 六首

初春苦寒 春日登閣晚眺

緘同盟周介生

恩赦十二年已前舊餉恭紀時周挹翁太

師還朝

擬古十九首 附題辭

四言古

杜門草月上

遊僊曲

白雲謠

種蘭有感作 四首

病中信口作 十八首

散體

偶讀老莊作浪語

與珠行

乞晴歌 二首

友東門行

七言古

試士日語王翼明傳且復兩詞盟

祈雨卽雨然旱極仍未甦也謝以爲祈首

祈雨雨足作謝神詩

寶刀行

閱黃姚臣西江游草中有金陵女子一事

卽用姚臣韵題簡頭姚臣游江西晤余

杜門草月上

友艾千子出一箋示云向年拾於雨花

臺畔乃二女子讀姚臣桃花岸草寄想

姚臣作噫嘻紙上香蒐無端作合奇矣

奇矣鍾情吾輩共宜咏之

寄答嚴州潘二老司李

茶蠶兩婦詞

猛虎行 二首

感時當哭

雪下浪歌

平寇行

項水翁太史緘到擬古題辭走筆謝之

七言絕句

周益于內兄爲賤誕過訪適值亡荆之變

歸時作詩送之 四首

許假 四首

朔日吊亡荆 五首

記勦賊始末 廿九首

輓平虛叔 五首

杜門草目上

代儲孔規遠憶 五首

反游僊曲 二首

空嘯閣靜坐有感 二首

挑燈展卷偶讀明妃傳有言 四首

過萬壽山寺 二首

偶題枯梅 二首

偶題枯柳 二首

偶題羅漢松 二首

兩過萬壽山因叅謁上府候信兩次俱從

萬壽返目笑賦此

五首

官廨新移老梅爲作催花詞

二首

輓甥女時七齡夭於官舍

三首

杜門草目上

五



轉展女執手憊天休官舍

三首

官廨新移老梅爲作催花詞

二首

輓甥女時七齡夭於官舍

三首

兩過萬壽山因叅謁上府候信兩次俱從

杜門草

陽羨許啓洪任宇父著 門人項宗堯訂梓

五言古

病牘四上蒙 各上臺慰留

非敢憚折腰一病卽拂衣自度麋與鹿作令非
其宜兵荒方荐至時事豈易爲何堪病杜門半
載且踰時職業日以曠琴鶴來相譏悉咏伐檀
詩庶奉古人規慰諭感國士何時報所知

杜門草

五言古

浴佛日

生乃滅之根垢以淨爲始佛無生病死垢淨莫
思議乃傳四月八浴佛生辰至因嘆血湖身寄
人等於戲戲中現宰官寄外又生寄宿業無邊
海海水難爲灑佛憐顯法身明月盆中墜洗此
假四大擲向饑鷹餒姪女共嬰兒一時爭自割
黃婆莫構闔結胎將何爲無浴亦無生粉碎山

河地

告蠶詞

老蠶勤做繭繭成老蠶死蠶因聚族謀恨彼養
蠶姊朝呼餵蠶母夕呼餵蠶子哄得虫虫蠶做
繭忙不止繭成大小蠶無不相賀喜如人營糟
丘希將吾老矣忽而蠶桑婦向蠶索其逋食我
筐中葉還我機上絲小婦忙燒水大婦急抽絲
嗟此蠶何辜鑊湯獄裏墮蠶乃自悔過繭成速
其禍前蠶告後蠶切莫再絲吐不食到三眠耳

杜門草

五言古

二

自僵於土無絲繭不成蠶婦將焉取吁嗟乎老
蠶有繭豈願棄亦曰聊可自免耳

告蠶婦詞

諺言賣油婦梳頭時用水試看養蠶婦遍身無
寸綺頭蠶未上山蠶稅虎眈視二蠶換柴米三
蠶填債利蠶婦投杼起不如緝蔴桌試看三家
村一二賢妯緝成蔴盈箱可得布盈匭小婦
笑大婦喜官不能差民不使翁姑有餘布夫婿

無藍襖目不識羅綺蠶絲何所取荆釵與裙布
惟儉吾從耳君不見蠶婦有絲不得着惜爾抽
絲爲人死此則今日前車矣

守庚申

三尸是何物作祟在庚申我神二十四能生八
光明陰陽何處闖龍虎不敢爭黃婆引入室中
男少女并世人徒夢夢兀坐守兩睛我有傳送

識

道經云人有九識
第七爲傳送識

如同緝事人日夜作報子

杜門草

五言古

三

卽係此識神識神既不滅三尸助其嗔收視而
返聽乃真守庚申

擬古吊亡荆時益于內兄行適篤于內弟
卽至

兄行弟隨至棺中知不知阿兄坦而率阿弟温
而夷爾性能相濟每作女吹簾阿弟宜與來爾
在開兩眉不問寒温語先問起程時呼茶先解
渴呼酒聊應饑痛癢手足切柴米詢無遺隨問

周家女女婿近何其女兒素稟弱奄奄每繫思
女婿性磊落家務恐差池今爾棺槨身萬事何
已而兄行妹不送弟至姊何之熒熒止一燈炤
此素靈惟可知周家女生男百日奇惜也妹未
見容嗟來太師蒙太師東至云舍姪已舉一子惜舍妹未見可知婿
老成百事能自持讀書無世務不似少之時可
知女哭母時時暗淚垂病質兼新產爾知痛寧
支可知弟哭姊熱血滴靈輻呼姊姊不應嗚嗚

杜門草

五言古

四

訴其私百事一不知爾何忍如斯阿弟無情緒
卽欲賦歸與誰代東行裝仰屋惟歔吁呼爾且
一起留弟且遲遲呼爾且一起寫信寄女兒

輓家中丞叔氏定翁

追數與翁別一字我一血快談京口驛誰知卽
永訣斯時我北征翁從晉撫至灑酒迷晉事總
之皆盡紙襦鼓我亂搥謝暮遲落子符堅兵百
萬破之誰彈指一朝翁掛冠掀髯謝中使斷鰲

誰其支天柱將傾圮祀國我同憂言及淚如雨
名位非翁謀柰此寇與虜日望 聖天子賜環
從翁始孰料白玉樓尤急需翁矣杯蛇聽世人
上天無恙茲聞翁羽化時逍遙辭戚梓賦詩仍
復賦止酒未會止玉樹遶膝前一笑如歸耳君
不見徵君有廟記一篇剩墨亂落崑崙巔素娥
爲贈玉龍鞭鞭向瑤池畔再續五千言清風化
雪白華表鶴時旋

叔氏有許徵君廟碑記易書
前三月往廟謁別

杜門草

五言古

五

祈雨卽有雨意然猶未雨又告 神

惟雨 神所司何以慳如玉龍終睡未醒卽雨

非其欲似令來強之聊以應我囑涼德終不靈

有雨何時足我欲誦大雩龍頭恐碎觸

內典云
誦大雩

經則龍
頭粉碎

神其素有靈幸速將龍督一日再不

雨小民盡無粥三日再不雨縣官罪何贖泣血

告吾 神賜雨如賜粟恒賜令之僭無以小民

酷

署中小築

隙地如積水恐驚鶴與鹿誅茅樓罩之可梅亦
可竹四映雲巒生濃陰蔽林麓累礫議將作虛
敞憑天覆紫篠深護持頑藤補墻禿官冷種芙
蓉盤空栽苜蓿無水自成畦有花雲滿屋荒破
徑同三境清月無六誰者愛此居神僊笑吏俗

其二

蜉蝣營朝夕見惟咫與尺達人志高岑結構齊

杜門草

五言古

六

峯劃豈將郵視官慮始怕興役佚道以使之雖
勞怨不亦苦俸無餘錢聊省作工食雙溪水東
環君子峯壁立癖性愛看山層薨雲際集非惑
形家言形家言亦或形家謂公署後宜閣

其三

地苦止生蘿天空任鳥關峩峩瓊漢叅元龍卧
百尺境曠絕板擠廊幽故曲折踈梅間踈桐柳
陰補其缺涼月來空窓宜暑亦宜雪

鳥翅與窻齊白雲簷內立環樓皆山也面面峯
如揖人巧依天匝無煩費雕刻石眼出霞紋可
望不可卽鳧飛高入雲隱隱王喬舄憑欄俯視
之亭亭化鶴隻

遣婢吊亡荆

他病在於妬爾病在於護癡嬌諸婢子受恩翻
受悞辟如養花人蔣子棄若置若其金注之是

杜門草

五言古

七

中轉成祟呼爾好爲遣畢竟終爾賜吳門雲任
飛蛟橋月可寄竊笑古之人換馬亦多事楊枝
別樂天是中有禪意

其二

打破艷冶關居然一老禿蝶夢雖栩栩不向花
冤宿爾今竟何往莫想生天福爾素飯西方心
經手抄錄神僊畏輪迴法王苦眷屬恒沙毒彌
天愛河鍛成獄請挈摩登女而反極樂國卽使

盡朝雲朝雲非我欲

讀張天如太史宋元紀事有感

別子自辛未忽逾十年矣憶子醉欲醒夢子寐
欲起今忽不見子乃見之於紙典型悲忽墮豈
特友朋否絕筆紀宋元無乃有深旨辮髮戴冕
旒混洳茲重始犬羊作董狐君子尤所耻試取
脫脫書刪繁去其俚北海與高安庶思過半耳
復得子斷案筆墨山河峙其文則宋元其義效
杜門草

五言古

八

竊取夫子作春秋夷狄等封豕紀宋且存元意
亦或如此沙漠數易窮 真人出濠水吐氣趙
家郎元祖削廟祀展卷字陽秋翼我 明天子
從來不朽三立言子未死

惡雨

連日何多雨偏與病者互新分蘭怕濕有花愈
不吐病夫性同蘭惡濕亦其素裁方增二木呼
僮藺藥具雨曰藥何爲藥病難藥雨病曰雨何

爲偏爲病者苦惡雨藥敵之雨亦無能惡雨忽
悔過晴病子陽和布薄言雨來愬不逢病之怒

妾薄命

莫洗白洗白難如皤莫洗紅洗紅顏易落莫思
君君心已認錯君恩原不淺妾命生來薄鴛鴦
未有三芳心向誰託團扇棄亦秋君胡在暑酷
新絃發新聲舊琴非舊囊朝臨玉鏡臺怕聽簷
前鶻柳絮豈沾泥視之同瓦礫曉風胡爲乎殘

杜門草

五言古

九

月已非昨淚言空索索回首天各各

初冬游萬壽山對袖題之

我來萬壽山晴容映空碧老嫩遠近峯頽禿兩
三石紅葉勝於染淺深霎眼易天花時落之梵
語來松栢一徑步一折舍輿着山屐林影淨香

臺雲光印虎跡黃葉飄人衣窓外和苔積山僧

供茶果歷歷數徃昔言此曾駐驂

宋帝南渡
避難此山猿

穴帝王宅夏公復我言數巒空半割轟列儼帝

輦得無宋所設

夏國翁道臺游此曾噴噴解之併有欣看盡列如雕輦之句

下乃羅隱岩僂風化鶴隻我還問羅隱爾是知
來客可知千載後隣邑旌陽謫偷閒過竹院翻
翩雙鳧鳥真如開籠鳥羽毛恣所適真如出檻
猿嘯跳千仞壁作令當此時半因糧降革安得
同野衲暫與里糧別一官輕倍葉瓦全笑彼墨
括蒼古洞天僊踪尚可即清風許玄度不爲羅
者弋擬向此山中聽板寄衣食時共鹿皮翁仰

杜門草

五言古

十

面看山色黃梁夢終醒且覓槐陰國老僧擊鉢
聽風翻縉影白吏役苦促歸千峯還未夕

漫興

劍紋繡苔紫斫案三浩嘆冥鴻志江湖自甘去
羽翰於人何敢尤仰面只天看怕戴沐猴寇角
巾自氣岸神辱王不善所折豈腰但

其二

何子頗不憚髮已漸如蒜一官寒過衲游戲等

於曼所賴差強人杯酒騷經半

其三

聞說家鄉苦斗米錢千半官舍食無肉柴米價
差賤賤猶難自支一家數家爨

其四

壁頽古藤扶門落月補綻家鄉嘆如此豈信見
乎宦廉吏果難爲鶴饑主人訕

其五

杜門草

五言古

十一

少小工文詞惟恃田爲硯有妓酒可耽有友席
可辦貧士作孟嘗坐滿江南彥時復開家筵歡
欣盡屬眷今何悉反之惟多一知縣

其六

生平癖讀書作令果是贅讀書如叅禪必須斷
思議讀書如好色必須恣酣睡作令百不宜觸
處逢鬼魅巧拙分龍豬散場都傀儡非敢卑小
官不恭不敢耳

初春苦雨

多病喜春日寒風仍逼之緼袍非不温不能護
清羸一官冷過衲蓄縮似凍龜廷前有桃李借
問開何時榮悴自相代出處亦有期

緘同盟周介生併寄公亮簡臣實君時介
生與周亦大同席

有鳥求良儔懷春鳴西園幽蘭隔深塢感我同
心言憶自真州別風雨違令顏時同劉晉卿相

杜門草

五言古

十一

期保歲寒憶自結盟始秦淮明月間實君命斗
酒牛耳讓子先公亮擊死和慷慨亦子偏二難
在爭仰簡臣先着鞭子出卽霖雨何業猶名山
南北兵荒逼感時歎多艱子乃有心人何以民
舉安姬公勤延攬席已爲子前蛟橋明月夜天
人策幾篇泥塗有宿好憶子盼雲天

恩赦十二年已前舊餉恭紀時周挹翁大

師初還朝

夫子曰去兵孟子曰薄歛二語今反之元氣絕
于線一朝 恩赦至喧傳遍禹甸赦自十二年
聖恩難再見問昔逋何多加勦又加練不敢議
去兵存此意良善卽練議作勦物力省過半叛
民卽窮民增練卽增叛東南財賦空連歲遭蝗
旱西北兵荒逼十室九無爨安得上 重瞳鄭
俠菑難遍良相如良醫厥藥能瞑眩捐逋勝施
藥立起癰與瘕鴻雁歌寧止 廟廊頌魚水興
杜門草

五言古

十一

發更倍之韶角與韶徵老幼扶杖觀太平自此
始斯我 后之德億萬 明天子

春日同在孟學周篤于聖和登閣晚眺

晚雲度修嶺佳氣正將夕晴送四山青烟隔前
峯白老梅尚踈花玉蘭遙映碧披襟夜色浮松
篁共相憂把酒挹遠峯凌空思飛越安能久樊
籠桃花笑短髮長嘯招王喬翩翩下几席人靜
忽寺鐘清風鶴一隻

擬古詩十九首 小引

張平子作古詩十九首乃偶以寄興今人
優孟衣冠殊堪噴飯夫詩言志今人有
今人之志未必如古人當日也擬張平
子者何必盡平子病餘公暇百感交集
擬作十九首萬不敢依樣葫蘆效鸚鵡
作人語亦曰盍各言爾志云爾

行行重行行

一

行行重行行世路何險巇君子居其易出門慎
所之聲色固鳩毒功名亦奚爲乃若出淵魚貪
餌上釣絲乃若倦飛鳥鍛羽不知時視利甘於
飴攫之同小兒敗絮行荆棘悲哉羊觸籬曹劉
夢酣鬪活角爭殘碁足跌空疾趨巧者不如愚
有慧何如福三徑饒松菊行行不如歸鷓鴣吾
師乎

青青河畔草春日何姣好弱幹不經秋一夜霜
風老感嘆者誰子驅車太行道太行險難涉無
端爲小草回首路南陌草青可猶昔淚滴草眼
枯柳絮點鬢雪

青青陵上栢

青青陵上栢寒歲猶青葱石馬當樹立開口嘶
長空日落林木暗虎嘯生悲風女蘿纏墓石老
狐攢穴中山鬼啼夜血荒草埋英雄空傳華表
鶴乘之游鴻濛獨有青青栢長映一天白

今日良宴會

今日良宴會清吟遲華月筍厨生異香蔗漿和
露溼湘風來美人篴篥雜絃瑟何須勞麟脯清
蔬杞與菊罰數依金谷狂歌呼白石一時盡雲
衣煙藹冒蘭澤瑤池翹首望歲星桃可摘清語
雜恢諧賓主言無擇

西北有高樓

西北有高樓遙望江南土昔羨江南樂今日殊
非古喜看出岫雲誰作崇朝雨東南去天遠夢
中空尺五莫矜氣元龍傲可壓餘子海上三神
山真人樓十二此乃吾之里歸與良有以

涉江采芙蓉

涉江采芙蓉涼飈振秋籟白鳥入空濛閒雲夕
凝靄叢菊含幽芳翠色點松檜我獨采芙蓉寂
寞將何柰薪樗不倚桂蘭催寧學艾岸巾聽鳴
蛩汲纒霜華凍敗荷落疎雨數峯青遙送

三

明月皎夜光

明月皎夜光虛庭開紫霧散髮讀黃庭蒼松凝
玉露白鳳吹曉風金烏逼蟾兔宵然坐幽獨寂
寂空山暮冰壺映芳潔炤我心怡悅誰則芳潔
同知我此明月

冉冉孤生竹

冉冉孤生竹層空黛如瑤影動天中舞歌翻雲

外雪地僻人跡稀止餘月影積中有素心人微
醉拂苔石天籟引清風簷光上虛白晴色連薜
蘿蒼翠衣可披製爲雙玉笙吹落羣仙屐流响
散虛堂亭亭鶴一隻

廷中有奇樹

廷中有奇樹移來自漢槎嫩葢映明玉烘香漏
紫霞景風晝披拂伽鳥夜啼花棟梁非所任匠
氏誰敢摹仙人王子喬翩然下其陰

迢迢牽牛星

四

迢迢牽牛星河漢清且明蟋蟀鳴孤岸帝子渡
銀津江迷裙帶影睂鎖鵲橋春信誓方旦旦量
海未爲深倏忽移手別靈鵲何能尋來惟明月
迎去止明月送懽場盡傀儡牛女都如夢

迴車駕言旋

迴車駕言旋童叟爭屐倒黃金難駐顏驚看雙
鬢老高風送遠音華月掛林杪鶴响在空林肯

爲弋者鳥槐曦戀腐莖南柯夢終曉荆水澹澄
鮮金鵝雲縹緲神物此可蟠深閼龍湫宵

東城高且長

東城高且長一望四郊瑋野雲度桑麻新島破
烟白催耕惟布穀勸農官長責挈壺觴里老未
飲喉先阨虜寇訐南北加編額外額耰耨尚在
田虎差已在宅秋收未及斗辦官已須石民苦
官日難官難民日瘠所以彭澤令豈真田園瘠
時事果難爲駕言耻腰折

五

驅車上東門

驅車上東門詭遇非吾驅跣足厥用傷義路徐
且于寧井歌打牛不作徑而繇富貴鬼與謀名
利皆蛇造自古明達人一醉壺天休

去者日已疎

去者日已疎曷鷄如電走安得有慧劍斬其足
與首人生如腐草及時半杯酒非愁卽是病天

地一芻狗若坐政事堂僉押卯至酉衣冠如桎
梏歲月如枷紐逝者如斯夫英雄宜歇手

生年不滿百

生年不滿百光陰如矢若慾海愛爲病醫王捨
是藥莫學賤場師梧桐舍桐櫝存身悟龍蛇呼
應憑牛馬勲華霎眼空視之等飄瓦獨憐夢夢
子止涕添油者如攬隋氏珠去彈箬前雀消磨
聲色場兩鬢已霜落隻手見閻羅空抱佛雙腳
美人與名將到此尤覺惡

六

凜凜歲云暮

凜凜歲云暮踏破尋梅路梅香凍不住雪幽墮
瑤場屠蘇陳草閣椒盤盛筮簋不樂何爲乎歲
月皆如無稗年忽韶華青松傲霜蒲

孟冬寒氣至

孟冬寒氣至胡鴈投南止雲結黃河水箭落塞
鵬紫哀笳四野鳴邊馬豎兩耳天子急籌邊

擁貂過夜午憐彼沙場人透骨寒風苦江南有
暖氣履霜防未雨安得不龜藥歲寒作柔土

客從遠方來

客從遠方來遺我書一卷開緘走風雨細讀過
墳典復言豫楚來流氛四野遍握手藏真名談
笑驚鬼神裁詩共說陣仰髮窺天文杯酒命千
古掀髯傾肝腑可憐禰正平四覓孔文舉相看
淚如雨搗碎漁陽鼓

明月何皎皎

七

明月何皎皎照我雙鬢蓬我家荆溪西我官浙
水東積水空廷影家園來夢中蕭蕭餘四壁六
月生涼風故山烟霧隔匏繫嘆孤踪皎橋月今
夜悵悵盼歸鴻獨卧枕素琴子期真難逢安得
靈槎月隨之訴瑋空

杜門草

四言古

遊僊曲

廣寒波起湧成藥水搗碎山河兔老不死碧烟
夜冷黃庭氣紫簫吹子晉胡床塵尾龐眉四叟
來談劍術紅線紅綃翩翩侍立驪龍有珠誰其
將之誤唾春花醉倒瑤池暮耕扶桑朝餐紫芝
洞天九萬橘中片時丹砂化鯉置風暗吹馬蹄
杜門草

四言古

一

秋水乃大宗師瓊樓十二亦何云奇揮軫鞭奎
狎象騎獅忽遊廣漠大地恒沙五千龍女捧珠
獻花

白雲謠

白雲在天被於九野民無碩鼠官無害馬處處
醉人稱瑞非假饑者得食勞者得息婦子桑麻
仍游帝則吁矣拂哉晚近誰得惟君能仁惟

官無墨

六月種蘭有感作詩再掛壁廊松樓文目

喜雨怕濕喜晴怕日天公何法雨止日出

其二 春林變綠學鼓四而欲水然

根則怕泥洗用水兮安得美人手柔荑兮

其三 笑如天恩兮是契昔火燠學歸

葉則怕風澆惟皮屑清濁不倫鋤彼當門

其四 無色為骨氣身

雨則用傘晴則用幔蘭兮蘭兮何無王兮

杜門草 四言古 二

病中信口作 詩律聖賢

長笑短歌哀如樂何仰天無色低眉於邑

其二 無定命命命命命

怒椎地雷笑吹天風可長嘆者死歟學龍

其三 美山雲雲雲

玄黃血流春將變秋寧學楚囚而寇沐猴

其四 其四

六月重霜今古茫茫畢掩壁宿狐射文昌

門外寇譁官差坐家毆魚就懶爲虺爲蛇

執熱誰濯餽鷹割肉佛老癡心從井救人

鼻頭火出胡雛嘯月拂拭霜鋒心頭赤血

其八

英雄失路真如蟣蝨自甘輸碁橘中學奕

杜門草

四言古

三

其九

烏紗袍笏猴圈驢槓忽然跳出天空海濶

其十

誰歌北邙見兔亡羊重肝鼠臂同心子桑

其十一

晝現宰官夢作牛馬還是夢真還是夢假

其十二

朝來打點惟自家事欲斷憂愁先斷權喜

其十三

陶潛辭官何戀五柳我走大荒廖廓爲友

其十四

朝誦楞嚴暮寫離騷青蠅吊客其樂陶陶

其十五

回想少年我還悲傷何以悲傷詩酒荒唐

其十六

回想來日我心匪石何以匪石視身如客

杜門草

四言古

四

其十七

傀儡登場眼皮紅熱黃梁忽醒鑼鼓已歇

其十八

蛟橋月涼種菊庭荒唐山移文晷畫溪雲

杜門草

散體

偶讀老莊作浪語

莊子狂老子狷學老寧學莊狷易流鄉愿學莊則齊物教漸歸于佛佛則誰能之勢流爲墨子墨亦莊不居鄉愿老何與守雌非糞稜齊物非要譽老則孔同時吾質之夫子中行何可得踞涼其可矣莊則孟同時好辯一般耳何不兩相

杜門草

散體

一

遇各自明其旨總之孟子學孔子孟子出莊主處主處則放言主出則歷仕然而止客卿難貨取道不同竅一耳然則老莊亦何別究竟只斬截若拖泥又帶水非鄉愿卽墨子求中庸孰能之真狂狷惟老與莊有是夫吾師乎吾師乎若夫開先有西山有柳下老卽餓夫之派莊卽柳下之遺而孟夫子則有莘氏之裔乃遞出而持

璵珠行

虎豹窟內有璵龜鼉居內有珠欲採璵虎豹隨
欲取珠龜鼉居吁嗟乎福兮禍所倚夔龍之屈
良有以之樂可以為憂而憂可以為樂
東乞晴歌
連朝鳴屋鳩麥無秋擊鼓伐社惟社憂今日社
何尤惟令不識降此鳩

其二

杜門草

散體

二

雨何不仁麥其刑忽然夢醒四山青麥仍稱瑞
婦子寧逋稅之頑民莫借霑雨想停征

反東門行

出東門胡不歸岐路客悵可悲谷中之耕可以
糜南山之柴可以炊短褐足掩骭焉用文綺爲
出東門胡不歸

杜門草

七言古

試士日語王翼明傳且復兩博士詞盟

誰者宏文堪世瑞忽使長安紙價貴裁雲濯月
披烟霞五色文章空裏績廣陵散絕未可再流
水高山誰復在半額蛾眉世所憐堪嘆優俳盡
姊妹六書字亦不多傳蒼頡茫茫欲下淚僧繇
畫龍畫其睛伯樂相馬相其骨與君且醉酒一

杜門草

七言古

一

斛秦失其鹿誰能逐桃李應知盡在君孰者子
淵孰端木空嘯樓前一片雲紛紛五色謎吾目

祈雨卽雨然旱極仍未也謝以爲祈

梅天宜雨還不雨輓轡百尺汲無水朱轡浪說
勸農耕四山雲起仍卽止惟神之德其盛乎

擊鼓速喚羣龍趨山南山北興烟霧白晝雨注

如綆縻旱時得雨勝於珠化我磽确成膏腴莫

言此雨偶然至今以身禱惟神知身禱非

神誰我應令庶免戾皆
神遺願言再賜甘雨
足爲帝作霖惟神獨

其二

枕上潺潺簷溜滴夢寬
失喜懸溝洫急起推窓
看蘭葉葉上雨珠猶窄
窄不知陌上今如何聽
聲却喜市猶屐不期於
多期當阨涓滴總皆
神之澤但憐旱久土痕
圻透犁再須雨半尺
神不令惜須民惜半食
未飽糧又迫

杜門草

七言古

二

祈雨雨足作謝神詩

如天福庇神何量衰此一方苦陽亢手提
金烏壺內藏悉使羿射十輪亡雨師風伯跪道
旁中有龐眉彌龍王爲取錢塘怒潮水來作平
昌四野之瓊漿連日陰雲屯墨色水聲夜半搖
佳床令卽霽顏詢里老田間之水可還少里老
齊聲稱雨足歸功於令能虔禱令曰何功神
所造溝渠倏忽成行潦人力豈能至於此甘霖

遍灑起枯槁里老焚香兒竹馬宰牲謝神僉
來早三農趁水急鉏犁提籃餉翁姑共嫂隻雞
絮酒祈歲事甌簞滿車望秋杪民窮不望有餘
糧完得官租免差擾公私可辦犬不驚此番
神澤真非小稽首拜手我神前五風十雨祈
神全不但饑民慶粥饘年豐盜息神我天

寶刀行

匣裡寶刀花繡鐵繡紋斑斑還帶血此寶一出

杜門草

七言古

三

神鬼咽香丸紅線付一映抗之陸割犀兕走沉
之水斷蛟龍穴鋒頭紫氣半明滅不平原爲烈
士泣誰坐元龍樓百尺剛餘掌上雪花白玉虹
斜炤日影寒斫案悲歌背雙裂南北烽烟報未
休寶刀匣裏空啾啾

閱黃姚臣西江游草中有金陵女子一事

卽用姚臣韵題簡頭姚臣遊江西晤余
友艾千子出一箋示云向年拾於雨花

臺畔乃二女子讀姚臣桃花岸草寄想
姚臣作噫嘻紙上香覓無端作合奇矣
奇矣鍾情吾輩共宜咏之

廬山面目廬山巔上之九天
下九淵忽然化作
筆花妍笑問坡僂然不然天際流雲五色鮮落
霞孤鶩映長天星文劍冷酒杯懸青山白眼飛
紫烟金陵女子香吐蓮白門紅葉血啼鵲桃花
別筆鬼耶僂癡有三絕惟情專不付洪喬意自

杜門草

七言古

四

偏寄言千子何多緣復語黃生安得虞侯爲爾
驅電鞭立致美人無需錢堪憐聲氣隔山川此
心如石爛不遷莫言半紙情之笈親題小楷心
作箋今附韻江游草名愈傳黃生黃生請急向
金陵理長卿昔日之絃

寄答嚴州潘二老司李

古人忘年重意氣今人名位相拘繫如公裴裴
戴豸冠顧我猶如舊知契我本鶴鶴棲一枝登

壇悔彼少年時姓名誤入都人齒金沙雲間共
鞭弭因想國山烟雨墜君家彩筆空中績剪雪
裁雲僊掌睡旗鼓聯翩紙價貴從此雲泥我便
分落托一官如傀儡是馬是牛祇抱膝出門未
敢伸腰立栽花製錦原不宜鶴短鳧長誰我惜
幸舌猶存還自恤柰鳥在籠怕人弋感君氣誼
高切雲晦明風雨山屹舉知我官清如水冽知

我薑桂辣猶昔憐我催科耳考拙憐我勦寇臣

杜門草

七言古

五

力極寇平嘔血忽如沸天乎人乎崇何物病人
有藥可贈醫病官舍去孰贈之感君再四仍慰
諭謂當 盛世應來儀醴泉豈不甘大烹豈不
肥是中若有鬼所願忍朝饑况我斥鷃翼焉能
攬德輝陳力苟自審不敢素心違但感君家明
月來炤人報恩何日與君親君不見唐人有云
人生感意氣功名何足論報恩當在括嶺之下

巖水之濱佇看君家夢卜來 楓宸

茶蠶兩婦詞

採茶婦與採桑遇採桑婦將採茶妬蠶婦日夜
不得眠惟恐蠶饑少稅錢蠶忙數月無裝束包
頭蒙首形如牯茶婦執筐連袂出汗巾束腰花
押髮歸來姑嫂相和歌還驕夫婿我採多今年
穀雨時候早趁此晴光採完好償得茶租能有
幾廟後雨前價倍徙草子一筐錢半千蘇松茶
客不論錢茶婦何樂桑何苦湖南况又荒如許
杜門草 七言古 六

忽邀 天子寬蠶詔大婦小婦又齊笑賺得餘
錢醉姑舅不在辛苦蠶相守寄語隔隣採茶者
莫矜清香猶在手婦人勞則善心生親桑自古
先妃后忽而茶婦學作繭併向蠶家一鍋飯贏
得蠶稅齊齊辦

猛虎行

昔年猛虎深山裏出山捕人真偶耳今年猛虎
城市間白日捕人如捕鼠捕人白日已慘極何

堪不論殘與疾一網打盡及雞豚半口吸盡人間血

其二

昔時猛虎止一二白日捕人猶少耳今時猛虎
遍窮閭一虎相隨數十虎猛虎何堪有數十狼
哉無翼而添翼張爪磨牙捕行旅不先捕人捕
行李嗟哉麟鳳安在哉乃使猛虎橫行矣虎亦
忽然作人語謂亦時數應爾爾

杜門草

七言古

七

雪下浪歌

欲開不開雪裡梅欲飛不飛梅裡雪如水欲浮
遍天碧如月欲下滿地白青山欲青山不許玄
鶴欲玄鶴無主白霓欲墮歸何處空嘯主人僵
卧雙溪滸仰天大嘯亂嚼欲開未開之梅蓋

項水翁太史緘到擬古十九首題辭走筆

謝之

世人哄口稱月且買菜求添乞玄晏誰其一字

具品題能使塵土開生面立言久著 承明殿
藜光暫落名山畔挈我青雲借羽毛真似鳳凰
於斥鷃此子聲名殊未立獎成誰者太史見晉
漢遺音久不傳北李南王私受禪擬古應須自
作古謄錄先生我所賤駕言腰折時難爲此意
太史覩其半君不見樂羊書滿篋蕙苒明珠變
眉睫擬古寧學張子平不學相如賦游獵

感時當哭

杜門草

七言古

八

天公學醫使人費人將相食江南矣 君相焦
勞痛不止舉世怡怡燕雀耳曷監小臣捧 天
之腹向日之懷省刑薄歛共今始身附加人額
外額參朮應思四君子不敢空吃平昌水嗟哉
小臣良有以

平寇行緘贈宣平金赤華寅丈

東越分符來自楚口能雕龍手射虎輕裘緩帶
坐前廳百萬胸中肆雄武橫槊詩成酒半杯立

斬紅巾血爨鼓父老懽騰張五里

赤華擒賊於張五里請

借燕然勒杜父一時屠賊如屠羊寧使釜魚成
逸虎餘孽霄遁潭之罟白晝鄰封復恣擄獨當
一面許旌陽掃盡妖氛劍鋒古戰勝多君能犄
角清寧庶見仍括土所可慮者惟凶歲兵荒相
繼民何柰所最苦者惟牽累越境差提民似鬼
獨有君家善撫字七年先畜三年艾瘡痍立起
文無害遙指山城花一帶起家邑宰何必大有
杜門草

七言古

九

民人焉卽君賴

御屏姓氏應當最卓異舍君

誰復在君不見梁溪有水稱二泉未敢空吃真

我天

赤華先任梁溪

雖賞不竊自古然盜息民安惟有

文臣不愛錢

杜門草

七言絕句

周益于內兄爲賤誕過訪適值亾荆之變

歸時作詩送之

送君不禁淚沾衣
賀客來時吊客歸
醉裏看花空冉冉
哀時折柳倍依依

其二

稱觴誰復祝齊眉
蘭點從前事事悲
君去夢中

杜門草

七言絕句

一

來小妹不堪細讀少游詩

其三

君上巖灘逆水長
君行誰爲設乾糧
咄嗟可辦當年事
回首厨烟滿夜霜

其四

寂寂虞山月一庭
亭亭瘦竹幾枝青
堂前燕子迎君訴
失却當年女鶴鴦

內兄寓虞山

許假

官暫投閒起一新
盆蘭岸柳自相親
科頭還看旁人奕
便作羲皇以上人

其二

簿書碌碌一年餘
病骨難教更曳裾
遙想桃溪三徑好
夢蒐亦恐賦歸與

其三

懶病狂呼酒盞澆
一官傀儡待君消
敲枰三下茫茫出
曉風囚徒強畫招

杜門草

七言絕句

其四

迷離雨色似江南
閒試茶瓶午夢酣
何事眼前最清淨
吏農暫別喜成慙

朔日吊亡荆

夢裡時將竟暗招
醒來愁雨泣芭蕉
急呼侍女開靈座
可記今朝是朔朝

其二

座上香燈半掩塵
石光電火幾經旬
數盆齋供

食饑鼠明竄靈床不畏人

其二

未揖亡靈揖土神更添清淚佛前陳當初朔望誰供養遍地焚香是孺人

其四

關心朔望獨新兒新舍頻呼早拜師今日燃燈先拜母一靈炯炯可還知
兒子乳名新舍

其五

杜門草

七言絕句

三

暮績朝春命不猶生當朔日倍添愁於今晦朔俱成夢贏得逍遙自在遊

記勦賊始末

兩載清風可是真陰符半卷不須陳淋淋剩有心頭血醉殺耽耽虎視人

其二

豈謂詭寮盡賊民閩人總亦係 王臣賞之不竊吾曹事嘯聚何因忽震鄰

其三

報賊須知即賊身十年寮主上侯人

報賊係五上侯人

更飛報忙傳鼓仍想朦朧似戊寅

戊寅受賊誑報致敗

其四

七都賊逼報頻頻鼠竄行看盡土人收拾衣包

忙共止欲從重典是逃民

其五

父老攢眉說戊寅當年風鶴報頻頻懸崖斷壁

杜門草

七言絕句

四

無烟火半係平昌避寇人

戊寅賊至止一空城

其六

請兵宜急我逡巡賜教忙忙遍士紳刺亦不投

排闥入却訝縣王尚綸巾

其七

敵樓高坐鶴琴身首藉先生共主賓不是矯情

學賭墅至今履齒我還新

其八

鼓噪俄驚是舖囚要君可恨學防求須知我有
肝如鐵惹得嚴刑血綻流

鼓噪首唱乃黜矜衛
竄隨加重刑始定

其九

婦人能陣卽爲兵底事忙將木柵橫聚米成山
吾在日棘門壩上也平平

寇報至遂人以木塞
城邊路速令拆之

其十

樓角遙看金鼓鳴旌旗隊隊陣雲橫重裘寒映
霜花白夜夜三更自點兵

杜門草

七言絕句

五

其十一

烟居攢列似星橫燈火連霄遍地明保甲果然
行有效呼韓父老動天聲

其十二

莫言無米婦難炊一片公心尙可爲捐助先從
捐橐始給兵日日未曾遲

其十三

漫矜燕領羽林師賞罰嚴明盡健兒立斬寇魁

纛旗鵲樓頭太白看生時

其十四

賊情閃倏事難知偵探時時欲設奇四路錦囊
分發付驗來个个未差池

其十五

殺氣遙占西北多夫人廟裏聚嘍囉金剛怒目
還應笑暗指高橋是賊窩

高橋觀僧聚劫
夫人廟卽被擒

其十六

杜門草

七言絕句

六

擒賊擒王便是奇連朝斬獲莫窮追五花八陣
還須記草木皆兵賊自疑

其十七

礮坑門陣賊灣灣舊市俄來閃倏間更憫白岩
夫婿苦鏡臺人典賊營還

時白岩擄良家子女
索金贖歸舊市白

岩俱
松陽

其十八

遂昌鄉勇獨毛兵爲最俱父子兵
肯歿戰

每從界外賊連營聞說毛兵便膽驚殺過龍泉

真壯士至今橋水尙轟轟
毛兵追賊於龍泉河
尚橋大戰斬賊十四

人

其十九

戰非其罪是毛兵被賺
天亡四弟兄肝鬲條

條冲太乙龍泉併頼作長城

其二十

山賊原因土賊生捐金重賞是鄉兵兩旬土賊

幾擒盡山賊何能不遁驚

杜門草

七言絕句

七

其二十一

賊遁兵來鼓角聲雲迷皮嶺雪花生壺漿父老

焚香接驄馬提兵紀律明

時夏國翁道臺督兵到

其二十二

一番寇至半瘡痍冒雪臨戎守土宜擒住賊王

堪蒙鼓獻俘可得 廟廊知

其二十三

匈奴未滅何家以文不愛錢太平矣不吃堦方

半杯水亡室無錢買冥紙 時適亡荆沒於任

其二十四

辟若楚豫將何以區區
詭賊偷兒耳輕裘緩帶
能辦之不使風流獨叔子

其二十五

毆民爲盜良有以半係貪官與污吏又兼時荒
復加稅悲哉脅從諸赤子

其二十六

杜門草

七言絕句

八

不但脅從赤子苦詭賊亦豈盡夷虜 上臺祝
網恩殊普許歸原籍受安撫

其二十七

還看良心賊亦有不犯遂昌紆道走省刑薄歛
是本圖烟居安堵勝刁斗

其二十八

婦子仍勸服田畝桑麻無恙吠無狗歸恩於令
令不有肯早輸糧報恩否

其二十九

帶病徵糧令殊苦里排不知憐杜父帶病勦賊
安堵爾不知報恩真木土

輓平虛叔

髫年就學共翁親洗盞池荷酒漉巾一自我翁
歸蝶夢竹林風月更何人

其二

生來怕與俗爲隣典盡青山不厭貧易篲尚餘

杜門草

七言絕句

九

豪氣在沾沾兒女笑時人

其三

慷慨惟餘四壁存收書止爲課諸孫有駒指日
能千里翁翁請逍遙到九原

其四

直道應知尚未泯如翁肯直更誰倫不堪 祠

事紛拏日又嘆支撐少一人

其五

掀髯長逝更何牽，獨有思親淚半咽。繼述不忘，遺囑在輸田。奇在已無田。翁沒時輸田入祠，亦反本窮源之意。

代儲孔規遠憶

曾記雲間三泖邊，葳蕤橋鎖百花妍。東甌月冷

雲低渡，可到南明古渡前。

處州府有南明山。

其二

識面何曾已，注情風流某某話。儲生連朝底事

烟雲阻，未許鶯聲禁柳城。

杜門草

七言絕句

十

其三

百尺垂楊漫選鶯，月明今夜炤東城。誰憐寂寂

臨邛客，河滿聲聲唱五更。

其四

選得宮鶯出上林，蛟橋月夜試清音。今宵何處

飄殘夢，尚指梅花理舊琴。

其五

湘靈寶瑟帶雲飛，誰道王孫意氣微。肯把洛神

借玉女

宜興有玉女渾孔規家樂原有多人

彩霞亂擁鳳同歸

反游僊曲

仙女偷桃謫未還
仙家偷律倍人間
何如且作隨風柳
偷得巫雲夢不閒

其二

洞中日月幾回還
聞道千年亦瞬間
寂寂蟾宮柯欲爛
誰道吳剛鬢不斑

空嘯閣靜坐有感

杜門草

七言絕句

十一

千層碧色嘯空函
宜雨宜晴月更醞
清福一樓真受享
君王莫謂小臣貪

其二

色相場中自在身
眼前何事不飛塵
但憐火宅諸愁苦
偏向如冰夢裡人

挑燈展卷偶讀明妃傳
有言問政攻且於

萬里胡天憶至尊
琵琶馬上漫消魂
畫工妾自無錢買
豈是君王獨少恩

其二

閒殺當年妬寵倫
胡笳幾拍暗評論
三千胡女俱嫖母
不比爭妍似漢人

其三

鸞旣帳裡朔雲橫
鞦韆恩濃枕上情
豈若漢家輕棄妾
單于翻解惜傾城

其四

春深長樂漢宮妹
不老靈丹向帝呼
竊得數顆

杜門草

七言絕句

十一

猶復在今宵
親付老單于

過萬壽山寺

片片飛霞映講臺
濛濛花氣繞荒苔
穿雲一徑憑空望
無數青山海上來

其二

萬壽以宋帝避居得名

萬壽空題自宋朝
金牌十二岳兵搖
枯蒼卽有連雲嶺
其奈錢塘絕海潮

金兵駐錢塘江潮三日不至

偶題枯梅

楞楞瘦影映窻紗恍惚當年處士家何必有香
來撲鼻一番寒意自輸他

其二

羅浮來夢乞雙鬟林下香風過幾灣毛女於今
誰復在任他花萼有無間

梅係新移有言未必
有花者

偶題枯柳

曾向長亭縮別離漫栽官舍惹悲思滿廷黃葉
窻前落五柳先生知不知

杜門草

七言絕句

十三

其二

冷落枯枝恁可憐春風嫋嫋亦當年美人若把
來相比唐突蠻腰是樂天

偶題羅漢松

渡來種子是恒河不受秦封柰爾何出在法王
應有數何年長出大阿羅

此松如結子儼似羅
漢

其二

趙州栢子爾相宜試共叅禪一棒時莫作枝枝

葉葉語九年面壁向松枝

兩過萬壽山因叅謁上府悞信兩次俱從

萬壽返自笑賦此

數日頻過萬壽山老僧高笑不如閒勞勞亭畔
淒淒柳漫指邯鄲夢幾還

其二

雲門寂寂身相忘底事驅馳我若狂料得山僧
都不管任他行脚倍僧忙

杜門草

七言絕句

十四

其三

青鳥誰教悞報章閒雲野鶴費商量法王豈借
當禪棒故遣旌陽似驛忙

其四

村間雞犬雜鳴禽磴路紆迴古木深吏豈行春
連日過兒童爭看笑難禁

其五

出時如箭返如烟我亦飛雲任偶然只是逋糧

窮里苦聞知今夜不成眠

官解新移老梅爲作催花詞

水僊未許弟兄栽

昔人以水僊爲梅弟兄

冰骨原應待雪

開翻惟品題無韻句嗔人忽地玉山頽

其二

先開嶺上未差池何事官衙不放枝爲語美人

當月到催粧我代作花詩

昔人梅詩月明林下美人來

輓甥女時七齡天於官舍

杜門草

七言絕句

十五

來同朝露去同烟漫羨僊家歲八千聞道月宮

需女史今宵添一小嬋娟

其二

兩載官衙幾笑頑而今一夢到家山臨風轉憶
亡荆苦不共生還共死還

其三

漫哭床頭小女紅尋僊忽地跨長虹散場莫道
今偏早莊蝶從來似轉蓬

